

福建道試監察御史臣胡文學謹

題爲磨勘之典最重彙題之法宜更請

勅該部速閱分省具題以清積弊事切惟致治之理
首重掄才我



皇上雅意作人黔滇初下再行會試求賢若渴之誠
雖古之闕門額俊無以復加慨自匪人躍冶賣
緣科目以致大法重申年來人知愛鼎而苟且
之念無復自生非其明效與竊有慮者科場之

痼習雖以肅清然使

功令常新凜然不敢再犯而有隱必窮無弊不別者

惟有磨勘之典關係最大伏查磨勘往例必候
硃卷解齊磨勘全完然後彙題每有本年九月
間解到硃卷而彙題直遲至次年二月者在部
臣不過祇遵舊例不嫌詳慎但念省地既有遠
近解卷不無先後如必待解完稽遲日久反生
弊端卽如秋闈不下數千餘卷同考各官不過

十餘人未及一月亦可告完至如中式硃卷止
有數百何難立竣而濡遲時日部臣不速爲移
送科臣憑何較閱切恐望風揣摩旣可用其彌
縫而耽延多日漸且生其轉移則科場之弊雖
清而所以整肅科場之弊前此猶未清也誠使
隨到隨閱一省閱畢卽就一省具題則磨勘無
過者旣服其批閱之無私卽因磨勘處分者亦
不以經營之未至如必拘舊例文字之推求一

疏稿 三十三
日未有定評則士子之憂危一日不能遽釋况
當磨勘之時更有神棍巨憝乘人疑畏之途借
端恐嚇值部科諸臣嚴加迴避消息不通之際
或借名吹索或捏揭暗投無論迹涉嫌疑聞風
加懼卽中懷可信亦畏

新令孔赫不得不用賄求免以致神奸飽詐而流毒
無窮如臣同官錢延宅疏叅劉頤慶錢國忠詐

鄭麒光科臣楊雍建臣同官蕭震歷疏糾叅賀
汝賢等俱奉

旨嚴拿究擬矣此就北闈言之保無他省效尤倘此
風不息使窺伺日深漸將以科場爲畏途是豈
皇上作育之初心固如是乎而不知其流極已至于
此矣仰祈

勅部速將解到硃卷移科公閱照省分題不必仍拘
舊例彙疏耽延致滋多弊則公論蚤定鑽營者
無可用其鑽營訛詐者無所容其訛詐庶幾不

失

皇上特重科場之至意而大典亦爲有光矣如果臣
言不謬伏乞

睿斷施行

順治十七年十二月十四日奉

旨這本說的是禮部議奏

福建道試監察御史臣胡文學謹

題爲民力已盡于船工脩練宜憫于平昔請

勅部詳議轉行督撫嚴加整頓以備軍興以恤殘黎
事切惟海逆未靖會師塢穴未卽蕩平江浙督
撫諸臣疏請造船工役又見告矣竊謂欲資造
船之利不可不窮造船之弊不窮其弊則利未
見而先滋其累欲收造船之功不可不明用船
之法不明其法則功未得而益加之困卽如各

府派造船隻需用大木經累次造船之後老材巨榦蒐伐無遺勢必售之外省計大木一株值價不過數兩然運送至廠車牛夫役僱車一輛用價十餘兩覓夫一名用價四五兩不等凡此數百里數千里之遙計一切工價量用一二百金是大木一株卽破中家數人之產矣其他釘鐵油蔴物料未必出于開廠之地煩費騷然未可數計始也運木入廠繼也拖船出口水陸川梁之費扛挽牽拽之工無一不糜費

國家之金錢竭盡小民之膏血然猶曰急公固不可緩也至如借船工爲名橫派多端不知凡幾如臣鄉諸暨縣造船一隻派用石青二十餘斤無論彩畫戰船從無用此試問值價幾何卽此一端民膏已罄又傳聞江南徽州一郡派夫一萬餘名各郡皆然保無慮烏獸散况督工官役驗造船料聽其高下全憑上下打點又將多派所

餘之木轉賣于各屬應造船隻釘稀板薄湊成一船便圖完事溪壑已盈卽聊且報竣彌縫未到則百計遲延其弊固有不可得而窮者推原其故皆由軍興一次卽造一次戰船所造船隻江浙二省土產松木爲多入水易腐船底一經海外鹹水卽生虫蛀每年不加焚洗立見朽爛加之風濤衝擊檣桅柁楫未免損傷或板漏蓬壞因而委之無用前工甫畢新工又起東南物力安得不竭髓枯膏耶至于造船旣多必得駕舟習熟之人方克有濟今海禁已久長年出海慣經海道者旣少至于里遞僉報柁工水手皆係貧民希圖食糧報名塞責何能諳練潮汐別風雲一旦欲其充當前役豈能迎風上下決勝波濤且船蓄內港平時不輕駕出洋試演操習山礁沙壅茫然不知臨時責其操縱勢必不能凡此皆造船之弊與用船之法不可不亟爲

詳究者也伏念向時海澄之勝近日江寧之捷
皆乘賊登岸克有全功原非取必舟師試于不
測當此軍餉匱乏之時造船供億靡費良多江
浙兩省又值十室九空之際使造一船而可當
一船之用則與其多造以勞民何如少造以節
費使造一船而可以備數年之用苦累于一時
猶可儉安于後來倘船工可竣異日不加整理
徒棄之沉沙拍浪之中則新船未完舊船已壞
海氛一日未平此役一日不已竊恐東南財賦
之地元氣蕭然殆盡伏乞

皇上軫念船工浩大經費民生關係最重

勅部從長酌議嚴行督撫備查前後戰船數目若干
將舊船每年估價裝修量添新船務期堅固可
用仍飭水師召募人役按期習練不許儉安虛
費月糧則費既不多民力易于拮据其皆可用
遇賊卽操勝算矣臣日擊時艱冒昧直陳宇多

逾格貼黃難盡伏乞

睿斷施行

順治十七年十二月十五日奉

旨該部議奏

福建道試監察御史臣胡文學謹

題爲漕米旣經改折濫派應加剔釐請

旨嚴行禁革以速軍需以甦民困事切見戶部

題定十八年起運十七年分江南浙江江西三省

漕糧改折二百六十餘萬奉

旨依議欽遵在案除咨行總漕總理會同該撫從公
議定凡一切耗米行月本色并隨漕各項本折
行查一例折徵是應輸在官者固已絲毫不漏

矣第從來兌漕之苦不在正額之難完而在雜
派之名多如過淮監兌有派脩造使費有派官
役規例有派他如踢斗淋尖墊倉颺簸種種名
色以至截頭水脚使用多寡不等在平時尤當
禁革况今折米收銀百凡私派皆在可省竊恐
改折在官者不過什之一二卽有未完尚可陸
續追比而此外各項費用貪夫奸胥嚼民旣熟
反以此額外之誅求爲應得之常數因而照前
科斂卽使小民賣妻鬻子死亡相繼幾幾求免
其一而不可得故應納糧一石必須用數石應
折銀一兩必需費數兩而官尚未納私先入已
矣况江浙諸省歲額有秋石米八錢有奇傳聞
議折一兩四錢其價已倍加之官私兩項無一
不取償于米誠恐改折則米必多米多則售者
少而價賤價賤則完官有餘完私不足而民病
民病則追比不前追比不前而掛欠必甚餉仍

不給因之

國儲愈絀持籌益窘故改折雖一時之權宜但慮窮戶因米賤而艱于得錢復以費多而窘于無力勢必輸納稽遲始因兵餉而議改折漸緣改折而誤兵餉未必不由此也矧在漕諸臣止知責成糧道而糧事無人專司糾劾不過力爲彌縫勢必上下扶同惟知挾旗丁而剝小民豈肯急公帑而緩私橐若非嚴立法程將來兵民並受其困伏乞

皇上垂念東南赤子彫疲已劇

嚴勅撫按痛除前弊止許照價徵收如仍借兌漕爲名恣行科索者卽行提叅重處倘撫按徇庇事發一併坐罪則除一分濫派卽可蚤完一分正項除千百濫派卽可蚤完千百正項而官知儆戒民皆急公矣臣從

國計民生起見直抒愚隱仰祈

勅部速議施行

順治十七年十二月十五日奉

旨戶部嚴察議奏

巡視兩淮鹽課試監察御史臣胡文學謹

題爲兩淮鹽政已壞補救宜先本治敬陳末議仰
祈

睿鑒事切惟兩淮鹽課實居天下鹽課之半故滇黔
閩粵無一不取給以濟軍需則凡可以謀疏導
而施通裕者宜無不亟亟矣顧臣自四月十五
日受事以來案查每歲額徵引課止一百三十
餘萬而前此部撥未解已一百五十餘萬卽本

年全徵完額尚不敷已撥之數及稽在庫引日
自甲午以至于今壅積已一百八十八萬四千
引有奇每歲額銷一百四十餘萬引查在冊處
亡消乏不下三十餘萬引除歸綱攤認外勉力
行鹽者實不足九十餘萬引當此商疲課誦倘
再不從原本疏通雖竭力催呼究竟何補推求
其故大約鹽行則課裕鹽不行則課逋其理易
見如鹽日加而行銷之地窮則徒增壅塞課日
督而轉輸之力窘則空費追求此臣甫仔事而
日夜焦思不能不爲

國計總總慮也稟遵

勅書開載博採利弊斟酌損益謹就目前關切者列
款

上陳唯我

皇上垂聽焉

計開

一鹽法年運年銷方可鹽行課足若必鹽行課足應遵

舊制止行正鹽削去浮窩前鹽臣李 題

請二年附銷積引隨帶鹽一百斤固爲疏通起見但查庚子附銷積引僅三十餘萬而本年新引反積下四十餘萬銷前積後壅滯更甚皆因鹽斤過多行銷無地爲今之計宜以辛丑爲正引每引仍照舊額止行正鹽二百二十七斤將庚子以前各綱統算積引若干照前

題定附銷之法分作三年附銷止帶課而不帶鹽則課仍不減引復易行庶幾鹽行正額自無壅積如謂鹽減價貴但查隨帶百斤原非舊制疏理之法舍此更無良策伏候

唐斌

一計口授鹽原爲定理若戶口少而行鹽多勢必壅阻查淮南行鹽舊地已裁三分之一而

裁去額地鹽課未除又加浮課浮窩增行額
外宜其積漸成壅今各府難以議覆唯衡永
寶三府彼地之民苦粵西鹽貴又多砂石查
上湖南道并邵陽縣曾具詳申請願食淮鹽
前鹽臣白 奉部劄議三府仍食粵鹽蓋
緣彼時湖南寇氛未清淮商畏難裹足且前
此未有滇黔急餉不便議更當此之時應權
緩急總期有濟軍需况三府原係淮綱額地
仍食淮鹽彼此兩便至如額課如照淮南舊
例仍該粵西完課但粵地甫定原派額課暫
加淮商徵納三府既復積引可銷既不虧課
兼利商民兩全之道莫善于此伏候

睿裁

一關橋溢額及所掣割沒從重議罰者蓋恐多
帶一斤卽壅一斤官課故也前此鹽法尚寬
溢額之斤割斤補引故割沒解部無幾順治

八年前鹽臣張瑤以淮鹽壓運甚多將委官
掣過所鹽倒追割沒銀兩使夾帶混而正課
銷維時亦恐後因爲例故原疏

請弊去名存孰意相沿成例割沒多斤必責令其多
帶甚且虛填斤重是昔時防姦保課之法反
開縱令夾帶之弊豈可爲訓嗣後

請有則填有無則填無如有夾帶依例重罰尚借名
考成勒令多帶卽以徇縱坐罪則官知凜法
而弊絕風清鹽政頓爲肅然矣伏候

睿裁

一淮北行鹽地方戶口凋殘如河南汝寧等府
俱失原額計額行二十二萬九千餘引死亡
消乏并下等商名共計八萬四千九百餘引
其餘盡皆攤賠代銷且自甲午以至庚子停
歷七綱倘此時不思變計終日攤賠誠恐課
本有限窩加無已久之日燦月磨卽殷實亦

疏和
漸消乏然招商則人皆畏縮不前僉報又慮
奉行滋弊查淮北向有原名認窩近因無利
躲閃亦有不認引名貸本引商行鹽利則歸
已害則歸人合無酌量從公頂補庶幾商力
稍舒亦一勞而永逸之道也臣自淮至揚見
淮北諸商汪成吉程濬等泣陳苦狀稱非僉
補不能裕課但未奉

俞旨慮有阻撓俾脫應否遵行伏乞

睿裁

以上諸款皆遵成法酌時宜先從根本疏理使
臣目擊時艱而因循緘默則溺職之愆實有難
追如臣言之而議者以爲更張不知鹽課急需
關係最重倘聽其大壞極弊而後云救則非臣
言之不蚤之過矣謹據實直陳伏乞

勅部詳議具覆事關係陳字多逾額統所

睿鑒施行

疏稿
三十一
順治十八年六月二十六日奉

旨戶部議奏

巡視兩淮鹽課試監察御史臣胡文學謹

題爲裕課必在疏壅冒昧再陳仰祈

勅部確議以濟軍需事本年閏七月十二日奉都察

院勘劄准戶部咨該本部題覆臣 題兩淮鹽

政已壞等事奉

旨依議欽此竊照臣前疏如

請行辛丑正鹽附銷積引帶課而不帶鹽蓋因銷引
額地有限戶口非能日增近

請多帶百斤法非不善而鹽多成壅故庚子附銷僅三十餘萬引新引反積至四十餘萬已爲明驗今部覆以減斤病民難以准從不知臣前議減斤原

請削去額外附銷浮鹽非減部頒額定斤兩也伏查本朝鹽法剖一爲二每引連包索經解費止行鹽二百二十七斤內部頒行已久如果屬病民從前部議豈肯永爲定例况溢斤多帶尚且倒追懸

坐而議削浮鹽反慮病民不允致衆商不知輕重何適懷疑縮手今時已八月並無綱鹽一引過所將來協餉何濟臣日夜徬徨不知所措一面檄行運司督率諸商遵照部頒舊額赴場捆築一面請

旨遵行至于衡永寶三府部覆稱自明到今難以更張但以前無滇黔急餉併無新寧加窩歸綱諸引今引數日增銷鹽無地如責其輸納則日引

尚未行如責其領引則日無地銷運且三府願食淮鹽詳請再四今六月初四日又據湖廣驛鹽道具詳備呈寶慶等府詳稱極苦極困之地行食粵鹽上無利于

國家下有害于小民三年銷引尚未及半且係沙土又阻山嶺惟恃肩運爲害無窮不若仍食淮鹽一轉移間兵餉無虧商民兩利等因到臣念課餉緊急法宜變通兼從民便故據實

上陳何敢憑臆妄

請臣實查淮南綱冊見在行鹽止五十九萬餘引而消乏逃亡四十四萬餘引此項課額無追勢難盡數攤賠使前議復行則疏通可望否則壅積日多徵比立窮更有何法補救臣是以不避斧鉞冒昧瀆陳仰祈

勅部從長確議速定疏壅之法爲將來輪用無窮之計則催呼可應而軍需有濟矣伏乞

睿鑒施行

順治十八年九月初九日奉

旨戶部確議具奏

巡視兩淮鹽課試監察御史臣胡文學謹

題爲弊莫大于侵課罪莫大于欺

君謹據實直陳仰冀

勅部確查以足賦額以肅鹽法事閏七月初四日據
兩淮革職運使梁知先詳稱據臣案驗六月二
十一日奉都察院勘劄准戶部咨山東司案呈
奉本部送戶科抄出該本部

題覆前鹽臣李 題前事等因順治十八年五月

二十五日題本月二十七日奉

旨依議欽此欽遵抄出到部移咨到院備劄到臣奉
此擬合就行爲此案發該司查照部覆奉

旨事理應遵

新例照引輸納每引該派銀若干隨同正課按期帶
納毋得因循遲悞未便等因又牌行同前事備
由發司火速傳集各商按數帶徵限文到三日
內先具遵依繳查以憑具文達部遵卽傳集各

商議派間據商人汪開元秦晉泰趙永年等稟
爲商困已極飛累難支謹瀝血披陳哀號請

命以甦積困以保正課事詞稱今日辦課之商已非
昔日行鹽之人前任李御史審窩刑冊淮南見
在更換不足四十餘萬而消乏逃亡乃有六十
餘萬淮北見在更換十四餘萬而消乏逃亡又
八萬餘引刑列綱冊彰明較著卽如順治八年
前任張御史

題明兩淮行鹽每引二百二十斤淮南加包索十五斤淮北加包索二十五斤部覆在案竊思法行在上遵行在下朦朧何來况兩淮疊加窩多鹽壅見在告減斤告帶課以足軍需如此苦情

叩

關難達今奉部覆商等因知所措計算正雜附銷帶徵新寧每引輸納銀一兩三錢八分四厘二毫八絲若再加倒追每引又加五錢三分有零則每年共徵銀二百二十五萬二千二百有零通計兩淮商本不上二百萬鹽行不過百餘家儘竭商本尚虧額數以後軍餉將何措辦伏乞詳察俯念長蘆兩浙俱邀

皇仁兩淮急公輸餉反爲倒追仰冀轉詳等情據此該本司看得淮商多帶鹽斤本司嚴加追比衆商環庭泣訴咸云題自前鹽臣張御史遵

制而行原非多帶且商非土著去留無定連年夙徙

疏和
四十五
相半况長蘆兩浙

恩准豁免何獨兩淮不沾

皇恩連名哀訴本司細查昔年行鹽斤重果係前任
張御史

題明遵行非無實據值今窩多鹽壅死亡殆盡欲
取盈于二年則商資立場勢必瓦解豈可拔本
絕源不得不冒昧代陳等因到臣該臣嚴駁催
比去後續據該司呈稱據臣批詳前任李御史

題

請帶徵部議猶爲愆期今劄行日久檄催至再如云
虛懸之課何不鳴于未

題之先乃至今日曉曉致辨軍需至急豈可一任
衆商環庭泣訴希圖結案限三日內設法徵比
具詳報奪除牌行該司勒限追比去後又據該
司覆看得帶鹽一案既經部覆敢不仰遵徵比
以佐

疏稿
國用但昔日行鹽斤重

題明有據昔之商人多屬逃亡卽如汪源案內歿徒又復多人至于新報僉補原非昔日行鹽之商安肯代爲賠累若再定限二年勢必將措辦疲商同歸于盡况長蘆寧餉滴珠并壯丁銀兩及兩淮折價額銀皆得援民欠地畝銀兩之例邀

恩蠲免兩淮俱屬赤子似應一視同仁均賜免追卽萬不得已或將附銷催完仍照前議每引帶銀一錢二分養其餘力以保課源等因到臣該臣看得多帶鹽斤一案其來已久使以前追比可完遲延豈至今日是以前鹽臣目擊時艱題

請每引帶銀一錢二分以結前案誠非不得已蓋因多帶各商年久逃亡卽如僉報新商何堪代人賠納一二見在各商實爲無辜徒加敲朴萬不能完今據該司詳請長蘆倒追銀兩蒙

疏稿
四十一
恩蠲免兩淮事同一例自應並沐

皇仁或嚴催附銷完日仍照前鹽臣所

請每引帶徵一錢二分以裕將來俱從課源根本起
見不得不冒昧再陳既經該司呈詳前來該臣
覆核無異可否准從未敢擅便相應具

題伏乞

睿鑒

勅部議覆施行

順治十八年十二月十一日奉

旨戶部確議具奏

巡視兩淮鹽課試監察御史臣胡文學謹

題爲淮北商困難支因時救弊宜亟敬陳一得仰
祈

勅部詳議以裕課源事竊惟兩淮鹽法年來商疲課
訕臣自受事以來多方撫循淮南始有起色目
今正課可完懸窩漸補至如淮北停壓七綱逋
課三十餘萬懸窩十萬有奇商半逃亡血比無
追卽今僉報新商唯恐認引包賠人多畏縮如

此凋殘若不亟爲補救不惟淮北立盡勢且兼
困淮南臣親詣淮北備悉艱難恭列四款爲

皇上陳之

計開

一淮所宜改設安東也淮北所設淮城商船至
草灣地方運鹽入口紆道起掣剝運艱難以
致成本過重不敵私鹽且草灣出入難稽最
易影射前鹽臣翟 題

請改所安東以就水次部覆巡鹽御史因時權變務
期通商裕課等語奉

旨欽遵在案因循至今皆緣近所脚夫恐所改商務
無從射利借端阻撓遂成廢閣臣念裕課爲
重應從商便請

勅部議仍將淮所改設安東嚴飭地棍毋許把持各
衙門不得因而掣肘則一時更易萬世永利
矣

一泗州關口宜專官搜緝也淮南地方經前鹽
臣李

請設立搜鹽廳地扼要衝私販稍知斂迹淮北惟泗
州浮橋最爲總要近因淮南專官搜緝私販
不能飛渡皆從泗州闖關直上既可直達廬
鳳亦可遠通江廣因此淮北口岸遍地私鹽
臣查泗州浮橋與該州衙門咫尺相近應

請照淮南前例設立搜鹽廳專責印官查緝按季登
記循環簿送臣衙門稽查如徇私賣放卽照
新例題叅則官知責成而私販可杜矣

一近海鹽場宜併廢也淮北惟徐瀆臨洪興莊
二三場僻在海北然運鹽必由海道今海禁旣
嚴商不敢赴不無奸徒貪利恣行下海私販
今徐瀆一場奉

旨遷徙臨洪興莊以近內港未曾議徙但商不敢違
禁航海二場煎鹽鍋鏝俱供私鹽之用誠恐日後借

此通海尤爲可虞請將三場鍋鏝通行廢毀
應輸折價量爲酌

蠲或量派商人認納其半則私販旣絕海禁更密矣
一淮北分任司員宜仍撤也兩淮專屬運司統
轄其來已久近因改設運判移駐淮北專任
淮徵但淮商在淮運鹽而辦課者仍在淮揚
今運判遠在淮北商人齎銀赴納往返稽遲
反得推諉况且收票止憑木刻私記不無假
僞課銀旣無衙門封貯寄存民居盜竊可虞
起解又無會手護送恐生不測屢據鹽運判
詳稱分任無益反多隱害等情臣據運司集
商公議俱請應照舊例撤回仍歸運司總理
則事權旣一而課餉無虞矣
以上四款皆臣日擊淮北凋敝已極外此數款
更無別法可以疏通伏乞

勅部從長酌議爲

國課無窮起見立賜詳覆庶商力可甦積逋可完
否則日甚一日竊恐壅塞之患不止在淮北已
也事關係陳字多逾格仰祈

睿鑒施行

康熙元年二月初三日奉

旨該部議奏

巡視兩淮鹽課試監察御史臣胡文學謹

題爲懲私宜嚴其重除弊務塞其源謹據實叅陳
請

勅部詳議以絕私販以裕軍需事竊惟私鹽日多則
官鹽日壅故課誦匱其貧難小民肩挑背負
所販無幾禁之亦易惟有不可禁之私鹽最爲
妨課者無如有司捕役與南回馬座船頭倚恃
公差恣行私販或託官票影射或一時連踪直

上無可緝拏臣初受事嚴加密訪擒獲巨販劉
取卜玉等審明治罪私販稍輯嗣又獲蠹犯何
燦如臧忠仇二尤四麻子蔣坦白劉文薛一之
周鳳趙順等俱冒稱有司捕役以巡鹽爲名積
年興販及臣親提質審供稱革役已久又據商
人陳元標現獲鹽犯梁滿倉王元等供係江南
驛鹽道船頭臣隨將各犯發道廳提訊確情依
律究擬外惟是各犯接踵敗露多係捕役船頭

蓋緣有司設立捕役原爲巡緝私鹽給以腰牌
因係在官人役愈便行私他人不敢緝拏卽有
盤詰藉口功蹟鹽斤可以濛濛故多一捕役卽
多一私販甚有問革蠹役仍稱捕快結連興販
至于各省差遣馬快船頭俱由驛鹽道差遣及
至北回南往往潛住張灣訪有奉差赴任職官
及營伍兵丁例給勘合可以護身百計鑽營求
坐本船及至天津地方恣賣曬鹽一船何止數

百石數十船何止數千石且天津鹽價每斤不過一二厘既不納課載至江廣獲利幾倍官鹽輸課成本既重不敵私鹽以致連年課逋商逃伏讀

上諭有官員貿易倚勢漏課情弊該管官務須嚴加稽查叅奏本主一併從重治罪欽此竊思行鹽漏課尚許嚴加稽查叅

奏本主何況倚勢興販全不輸課情罪更大安可聽其恣行不嚴加處分且捕役倚恃各衙門之勢座船倚恃官差之勢俱有本主臣請

勅部詳議立法嚴禁嗣後有司捕役如有私販事犯卽罪坐本官其應給腰牌督令巡鹽官照額定人役給發毋許濫用多人凡差使職官并防勦兵船往南者兵部給與勘合內應開載不應夾帶私鹽一語使其覺察仍令船頭至揚赴巡鹽官掛號查驗一聽稽察如不遵行竟自闖關長

往者船頭坐以拒捕之罪卽將座船本主一併
叅

奏至于船頭水手俱屬各省驛鹽道遣發回空之
日查無巡鹽官掛號查驗字樣卽係違禁私販
本官不加覺察許申報巡鹽官題

請照例處分如此則法嚴于本主人知做覺捕快船
頭不敢倚勢行私而官鹽易行可以無引壅課
誦之患矣緣係條陳鹽法禁弊事宜字多逾格

伏祈

睿鑒施行

康熙元年二月十二日奉

旨戶部議奏

巡視兩淮鹽課試監察御史臣胡文學謹

題爲裕課必在疏雍冒昧再陳仰祈

勅部確議以濟軍需事順治十八年十月二十三日
奉都察院勘劄准戶部咨覆臣題前事內開衛
永寶三府先據該鹽臣疏稱三府原係淮綱額
地仍食淮鹽彼此兩便至于額課加之淮商徵
納臣部查前鹽臣白尚登疏稱衛永二府地勢
便于兩廣行之已久難以更張今該鹽臣復稱

據驛鹽道寶慶府詳稱極苦極困之地行食粵
鹽上無利于

國下有害于民三年行銷尚未及半且鹽係沙土
又阻山嶺惟恃肩運爲害無窮不若仍食淮鹽
兵餉無虧商民兩便等因前來查前鹽臣疏稱
地勢便于兩廣今鹽臣又稱民情地勢俱使兩
淮且願認廣課議論互異未便遽議且相隔三
省事關鹽法臣部亦難懸議應請

勅下兩淮鹽臣會同偏沅撫臣確查三府行鹽民情
地勢果便何處歸淮在廣額課孰多速行具題
務使課裕民便行之久遠可也等因順治十八
年九月二十八日題本月三十日奉

旨是依議行欽此欽遵抄部咨院劄行到臣奉此隨
經備移偏沅撫臣確查去後今准該撫臣周召
南手本回稱隨行驛鹽道會同衛永寶各道查
明三府行鹽舊例或在粵西或在淮上淮鹽便

民粵鹽便民并問商願納淮課願納粵課日後
不得互異紛更及淮課歲入粵課歲入孰多孰
少民情地勢孰爲便益逐一詳察妥確茲據驛
鹽道詳稱衡永寶三府明季原食淮鹽舟楫流
通一水直到並無山嶺間隔又無擔運艱難費
輕價賤商民兩利後因粵西苗徃作亂軍需急
缺借三府改食粵鹽但淮鹽味甘價平較之粵
鹽味苦價高而沙多相去倍蓰所以三府百姓
有舍粵復淮之控州縣有報派逋課之請適兩
淮法敝壞巡鹽胡御史再

題于後請復舊地䟽理更新荷蒙查詢粵餉多寡巡
鹽胡御史前䟽已經

題明令淮商認納今謹照頒行每年稅餉銀四千六
百八十五兩二錢五分如數辦納起解以克粵
餉必不紛更互異虧逋庶

國賦克而民情樂商困其頓蘓矣又據分守上湖

南道詳稱衡永之食粵鹽也明季爲始從前原
食淮鹽粵鹽價貴砂多淮鹽價廉潔淨採之與
情則忻忻願食改淮鹽深爲民便又據分守上
湖南道詳稱寶郡蕞爾五屬例食淮鹽但改食
粵鹽因明季古田兵變改粵鹽以佐軍需但寶
慶距廣途遙數千崎嶇高險水陸兩難脚費盤
纏苦楚萬狀毋怪乎窮商蕩產破家賣妻鬻子
此人情地勢所以大不便于粵鹽也至若淮鹽
舟楫可通無肩運之苦省脚費之繁兼又潔淨
價輕易售則餉自不難可行永久不惟商民兩
利而官亦得以副考成等因又據湖廣驛鹽道
詳稱至若前巡鹽白御史原

題疏內所謂衡永寶二府地勢便于兩粵者蓋因伊
時楚疆苗徭出沒辰沅武岡逆孽盤踞以致歷
來行鹽之淮商中斷而三府接壤西粵不得不
就一時之便權宜行銷今小醜遁跡苗民歸化

凡舟車人力之所至俱成太平本道審時度勢
所知所見者如此又據該道詳稱看得銜永寶
三府改食淮鹽官民咸已樂服惟是新掣在邇
彼地小民懸望甚殷伏乞迅賜䟽

題撥足三府行銷之鹽度鹽課不致有虧民望得以
早慰也各等因到臣該臣看得銜永寶三府原
係淮綱舊地自明季改食粵鹽而額課不減原
引未除迄今地去課存鹽壅課詘且年來兩淮
鹽政敝壞已極連年套搭卽如張子謙等增引
上元江寧等縣九萬餘引以致原派歸綱引目
十三萬八千有奇無地行銷商得藉口推諉遂
致課逋難追不得已而

請復三府部議會同偏沅撫臣確查茲行據各道查
覆前來商民地勢旣已均便于兩淮而三府粵
課每年額共四千六百八十五兩二錢五分在
部自有定額可稽如數應令淮商辦納但查三

府行鹽衡州府一萬八千三百七十包每包重
一百七十斤每包納課七分五厘該銀一千三
百七十七兩七錢五分永州府二萬一千五百
包每包重一百七十斤每包納課銀七分五厘
該銀一千六百十二兩五錢寶慶府二萬二千
六百包每包重一百七十斤每包七分五厘該
銀一千六百九十五兩計包輸稅應將淮南歸
綱引日照三府行鹽包數配引銷運約三府行

鹽共計六萬二千四百七十包配淮南綱引四
萬六千九百八十四引此外存剩歸綱引目俱
作附銷每年止帶課而不行鹽照新寧例加以
粵課四千六百八十五兩二錢五分與雜課一
同追解則淮商自不得借名歸綱無地行銷推
誘逋欠是不惟民情地勢最爲便益而歷年歸
綱逋課亦有歸着再無虛懸而所增實多矣臣

會同偏沅撫臣

合詞具

題因叙鹽法字稍逾格統所

睿裁

勅部議覆施行

康熙元年六月十三日奉

旨戶部議奏

戶部

題爲欽奉

勅諭事戶科抄出淮鹽胡文學題前事奉

旨該部院知道冊并發欽此該臣等查得兩淮運司
歲額正雜鹽課銀一百三十六萬三百二十四
兩五錢三分零今該御史自順治十八年四月
十五日受事起至康熙元年三月廿五日離任
止除閏計十一箇月零十日按日扣算應徵額

銀一百二十八萬四千七百六十兩三錢九分
零該御史任內徵過正雜鹽課銀一百七十五
萬六千二百四十三兩五錢一分零又徵收額
外割沒滷水溢斤公罪節省經費鹽物變價等
銀一十九萬二千八百六十五兩三錢八分零
又前院李未報割沒銀九千一十一兩四錢三
分計徵收過正雜鹽課并額外割沒等銀共一
百九十五萬八千一百二十兩三錢零又冊開

前差御史李任內舊存庫銀并報過割沒溢斤
公罪等項共存庫銀二十六萬九千九百六十
九兩七錢五分零又運司續收引課等銀一萬
三千八十三兩八錢六分零查連該御史新收
通共二百二十四萬一千一百七十三兩九錢
四分零內解過雲南平西王福建廣西廣東江
南貴州等處兵餉銀一百七十七萬四千六百
七十兩五錢一分解部贖銀公罪銀一千七百

九十八兩四錢零共存庫銀四十六萬四千七百五兩三錢八分零內前院舊存庫銀二十六萬五千七百七十九兩七錢零該御史見存庫銀一十九萬八千九百二十七兩六錢八分零及查順治十八年十二月二十五日臣部接奉上諭內開以後管鹽各官多得課銀者着以稱職從優議叙額課不足虧欠者以溺職從重治罪欽此已經通行在案今御史胡文學任內共徵收過鹽課銀一百七十五萬六千二百四十三兩五錢一分零比計日應徵之數已帶徵過逾額銀四十七萬一千四百八十三兩一錢零比應徵之數計溢三分以上應請

勅下都察院照例考核可也

康熙元年七月初十日奉

旨依議

都察院

題爲考覈事據巡視兩淮鹽政試監察御史胡文
學呈稱一年差滿例應考覈緣由到院今准戶
部咨開等因康熙元年七月初五日題本月初
七日奉

上旨依議欽此欽遵抄出到部移咨到院該臣等考核
得試御史胡文學巡視兩淮鹽政一年差滿今
據戶部咨稱該差任內應徵年額銀兩照數全

完外帶徵過溢額銀四十七萬一千四百餘兩
此應徵之數計溢額三分以上等因查得戶部
欽奉

上諭以後管鹽各官多得課銀者着以稱職從優議
敘額課不足虧欠者以溺職從重治罪再查吏
戶二部會議定例各巡鹽御史除任內鹽課全
完者仍照戶部先定之例紀錄外若應徵及帶
徵課銀正額十分之外溢額半分者再紀錄一
次溢額一分以上者除以全完紀錄外再加一
級若比此加溢者照此紀錄加級等語又查題
定例試監察御史差滿回日考核准其實授御
史今試監察御史胡文學一年差滿奉到勘劄
俱已全完爲新撥餉銀不到等事降職三級已
經全完開復爲指叅違例本章事罰俸六箇月
應徵鹽課除額銀全完外溢額三分以上通商
裕課拮据鹽政可謂能稱厥職者相應准其實

授監察御史回道管事仍祈

勅下吏部查照定例從優議敘可也臣等未敢擅便
爲此謹題請

旨

康熙元年七月二十八日奉

旨是胡文學准回道管事

吏部

題爲考核事吏科抄出都察院題前事奉

旨是胡文學准回道管事欽此該臣等查得都察院
疏稱巡視兩淮鹽政御史胡文學一年差滿任
內應徵年額銀兩照數全完外帶徵過溢額銀
四十七萬一千四百餘兩計溢額三分以上通
商裕課拮据鹽政可謂能稱厥職者請

勅吏部從優議敘等因察得御史巡鹽溢額者前經

疏稿
臣部會同戶部議有紀錄加級之例嗣于康熙
元年正月二十三日准戶部移咨奉有

上諭以後巡鹽各官多得課銀者著以稱職從優議
敘額課不足虧欠者以溺職從重治罪欽遵在
案今據都察院考核巡鹽御史胡文學溢額四
十七萬一千四百餘兩請

勅臣部從優議敘前來案查順治十年都察院爲請
旨褒加一疏內稱張璿巡視兩淮鹽課正課之外溢
額二十三萬有奇臣部覆准以五品京堂陞轉
今胡文學溢額四十七萬一千四百餘兩較張
璿倍多相應照張璿例以五品京堂用可也

康熙元年八月二十六日奉

旨胡文學內陞已有旨了